


CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

JAN 15 1949

T5466/0236





積翠軒詩集敘

東軒先生出視其同懷兄東瞻先生積翠軒詩藁涕
泣謂余曰予兄夙稟忠孝大節不屑屑於詞章見某
作詩輒動色相或洎官三楚蠻荒絕徼與賓僚分韻
賦詩輒許過有傷人語見者以為逼近少陵嗣後入

積翠軒先生慷慨請纓遂奉

命而征西藏提孤軍出塞數千里大小百餘戰稟創突陣

勇冠三軍斬賊俘醜奏凱言旋

積翠軒詩集敘

東軒先生出視其同懷兄東瞻先生積翠軒詩藁涕
泣謂余曰予兄夙稟忠孝大節不屑屑於詞章見某
作詩輒動色相戒泊官三楚蠻荒絕徼與賓僚分韻
賦詩輒竒邁有驚人語見者以為逼近少陵嗣後入
覲屬邊庭需率先生慷慨請纓遂奉

命兩征西藏提孤軍出塞數千里大小百餘戰裹創突陣
勇冠三軍斬馘俘醜奏凱言旋

聖祖嘉勞擢總戎興漢旋調涼州雍正癸卯八月卒於軍
四子晉收拾其遺橐若干首顧歲月易邁忽忽已十
有六年恐其散佚擬授剞劂惟吾子自少與予同侍
內廷今垂老復得密邇淮濱請吾子一言為予兄敘之
嗚呼先生効命疆場勲垂竹帛余小子何能為役獨
念與先生共依桑梓稔知先生一生忠孝其為詩悉
本至性非猶夫世之抽青婉白以自命為詩人者比
重以東軒先生之命庸敢拜手而為之敘曰少陵作

詩於當日之行軍用師往往料敵決算洞若觀火故
其詩曰焉得一萬人長驅塞蘆子又曰莫守鄴城下
斬鯨遼海波世謂子美以詩人而饒將略嗟乎子美
特袖手言之耳令子美身提一旅之師親歷礮聲雷
鉤箭鋒雨集之際磨盾艸詩淋漓潑墨當更感激悲
壯今先生身踰絕塞轉戰千里當夫朔風裂面劔戟
如林俱足助其才思而增其豪興蓋從軍出塞之作
昔人得之擬古者而先生身親見之故其詩格益恢

竒其聲益壯雖其造詣未知視少陵為何如然固已
自足千古矣先生太翁光祿公嘗製嵌金繡甲先生
受

命出師太夫人手授以行逮功成獻捷閭里嘖嘖歎羨既
忠且孝為今古詩人生色夫豈毛錐之士矜一字一
韻之工拾鼓角悲笳之餘響者哉少陵晚年漂泊秦
川當日之猖獗吐蕃尤甚遂致流移轉徙今先生從
軍西海即唐吐蕃建牙處而卒蕩平逋寇疆圉晏如

蓋少陵之遺恨至先生為之一洗吾知少陵今日必
更喜焉而欲狂也已盥讀之餘不禁躍然彈劍謹泚
筆而敘之如此

乾隆三年戊午長至後四日瀋陽唐英書於淮署之
春風湖上亭

積翠軒詩集序

東瞻先生今南河制府東軒先生同懷兄績學砥行
居常慷慨志大節不屑屑於詞章戎子弟必務黜華
崇實以故親朋間雖日相接者罕識其能詩迨官三
楚往來瀟湘衡麓之區或觸境題襟或依韵訓會恚
刻燭立成雄邁可喜嗣曰保薦入都天倫聚樂胥示
行笥所作迺共驚服鄉先達見者無不歎為真少陵
所目出羣雄也然先生故非屑屑於是者

廷觀颺言願自効邊陲爰奉西征之

命先是太翁光祿公嘗製嵌金繡甲太夫人謹珍藏焉先生官楚時屢請弗許至是太夫人欣然手授誡之曰而父心懷報

國特營製此敬承先志在此行也勉之先生泣拜受教即日束裝而西入秦川踰絕塞搏戰黑水致命遂志之誠往往形之咏歌其悲壯激越視古從軍出塞諸什殆過之矣既迺赫奏膚公

聖天子霽顏嘉勞旋晉秩總戎先生益感激奮厲以舊創

復作遂率於涼州軍次於戲可謂忠孝兩全者矣當

先生之提孤軍出駐紅羅也中子晉獨從左右曰得

詳檢遺藁以踈每泫然手澤之存彙鈔編次謀授開

雕垂永久以夙偕羣季講學於馨知先生本末為悉

請為之序馨惟古風雅所隄凡忠臣孝子至情苑結

之作類非屑屑於詩而其詩之可傳遂非後代之名

能詩者所得擬故謹志之如此讀先生詩者其以是

積善車言集
真文章悉於是亡矣詩學之興盛於唐代其間巍然
特起不可磨滅者首推杜少陵少陵以吐蕃肆橫間
關走蜀詣行在雖流離播越而忠君愛國之忱觀物
興感流連往復無或去諸懷故其詩壯麗恢闔光燄
萬丈超出諸家不以時代之遠制義之更為泯沒也
東瞻老先生積翠軒詩集乃其仲君從涼州總鎮軍
中檢收錄成者東軒制府命為叙惠展讀之諷詠周
環不能去手顧惟先生至性醇茂躬行力學當邊庭

選帥慷慨請纓受太夫人所藏光祿公遺甲奉

命西征五戰百餘凱旋蒙擢大節炳炳豈欲自見於詩然

即景言情於孤軍絕塞餓空矢盡時尤惓惓報

君恩酬先志則其見諸詩者意可知矣夫人生平念慮所
存出入起處飲食言動無不致其精神形於意氣一
藝且然况忠孝之大乎然則先生本忠孝之行發忠
孝之辭以此終其身以此信於人以此傳於後其法
度聲律不必盡出少陵然其心皆少陵之心則其詩